



Ka di 3 tsa Pudungwana, 1964, motseng wa Langa,
Kapa, ho ile ha tswalwa sebini se tjhatsi. Lebitso la
sona e ne e le Brenda Nokuzola Fassie.


Dimilione tsa balatedi ba hae ba ile ba mo reha
'MaBrrr'.

Lelapa labo le ne le futsanehile haholo. Mmae o ne
a sebetsa malapeng, mme ntatae yena o ile a
hlokahala ha Brenda a le dilemo tse pedi feela.



Brenda e ne e le ngwana wa ho fela ho bana ba robong.
Mmae o ne a lebelletse moshanyana, mme e itse hoba ho
hlahe Brenda a lokela ho nahana lebitso la ngwanana ka
pele.

Jwaloka sebini mmae a nka qeto ya ho reha ngwanana wa
hae ka sebini sa Amerika, Brenda Lee.



Ha a le dilemo tse nne, Brenda o ne a bina meketeng ya
kereke, mmae a letsa piano mme Brenda a binela
phutheho.

Ha Brenda a le dilemo tse tsheletseng o ne a se a bina le
sehlopha se bitswang, '*Tiny Tots*', bona ba ne ba binela
bahahlaodi ebe bahahlaudi bao bona ba ba lefa.



Ha a kena borwetsaneng Brenda o ne a se a tsejwa ke dibini tsa motse Kapa.

Mohlahisi ya tummeng, Koloi Lebona o ile a tjhakela Brenda. Koloi yena a kgahlwa ke lentswe le phefa la Brenda.

Brenda yaba o fallela Johannesburg moo a ileng a theha sehlopha se bitswang '*Brenda and the Big Dudes*'.



Sehlopha ka pelenyana sa hatisa pina, 'Weekend Special' yona e ile ya rekwa haholo.


Balatedi ba Brenda lefatshe ka bophara, ba batsho le ba basweu, batjha le baholo ba ne ba bonwa ba tjekela pina ena!

Jwaloka ha lebitso la pina le bolela e ne e letsya haholo mafelong a beke ho tloha Labohlano ho isa Sontaha.



Ka selemo sa 1998, Brenda o ile a sebetsa le mohlahisi wa mmino, Chicco Twala. Bobedi ba hatisa ditlabolane tsa dipina ka ho latelana: '*Too late for Mama*', '*Memeza*', '*Nomakanjani*' le tse ding.


Katleho ena e ile ya latelwa ke dikgau tsa mmino tse ngata, *KORAs*, *SAMA*, *Best Female Artist*, *Best-selling single*, le tse ding. Jwale MaBrr o ne a tumme lefatshe ka bophara!



Mona Afrika Borwa, Brenda o ne a tumme hoo ho neng ho se na mokete moo o ke keng wa utlwa e nngwe ya dipina tsa hae.

'Vulindlela' e ne e ratwa haholo manyalong.


'Ag shame lovey' e ne e ratwa ke bana bona ba ne ba rata ho mo etsisa ha a bina le ha a tjeka.



Balatedi ba hae dikonsareteng ba ne ba utlwahala ba
hoeletsa lebitso la hae e le ha ba teneha hore o hlwella
neng kalaneng.

Balatedi ba ne ba mo hoeletsa, ba be ba bine le yena ba be
ba lle. Ha ba utlwa lenseswe la hae, ba ne ba sutumetsana ba
leka ho hlwella kalaneng hore ba ame le naletsana ya bona!

Lentswe le metjeko ya hae tsa mo etsa sebini se hlwahlwa
ka nnete.



Ka 1990, MaBrrr o ile a bontsha tlhompho ho mopresidente, Nelson Mandela, eo a neng a sa le kgolehong ka nako eo, ka sebabolane sa pina, '*Black President*'.

Ha morao pina ena e ile ya thibelwa ke mmuso wa kgatello wa nako eo. Hona ho ile ha etsa hore Brenda a nke qeto ya ho bina ka isiZulu, isiXhosa le Sesotho.

Balatedi ba hae ba ile ba thabela seo le ho feta!



Le ha Brenda a ile a phethahatsa ditoro tsa hae o ile a hlokahala ka la 9 Motsheanong 2004 a sa le monyane, a le dilemo tse 39 feela.

E ne e le letsatsi le bohloko Afrika Borwa. Batho ba ne ba tshohile ba makaditswe ke lefu la mmamoratwa wa bona wa mmino.

O siyile mora hae Bongani.



Ka mora lefu la hae, balatedi ba Brenda ba ile ba potlakela ho ya reka mmino wa hae.

Ba ne ba nahana hore mmino wa hae o ke ke wa hlola o eba teng.

Ho tshetjwa hore kgwebo eo e ile ya rekisa diketekete tsa mmino wa Brenda ka nako eo.



Brenda o ile a tlotlwa ka seemahale mane Newtown
motseng wa Johannesburg.

Haufinyana le seemahale ho na le setulo seo batho ba ka
dulang ho sona ho itiisa nakonyana le kgosatsana ya Afrika
ya mmino wa Pop. Tlotlo e nngwe ke ha a balwa e le sebini
sa bo 17 ho ba 100 ba hlwahlwa ka ho fetisia mona Afrika
Borwa.



Hona ho bontsha hore Brenda e ne e le sebini se hlwahlwa seo se ke keng sa lebalwa.

Ke sebini se hlwahlwa sa Afrika Borwa se susumeditseg dibini tse ngata.

Le kajeno batho ba sa thabela mmino wa hae.



—Dipotso

1. Brenda o tswaletswe kae?
2. O hopola hore ke ka baka lang ha sehlopha sa mmino se ile sa rewa '*Tiny Tots*'?
3. Mmino wa Brenda o ne o etsa hore balatedi ba ikutlwe jwang? Hhalosa karabo ya hao.
4. Ho bolelwang ka 'mmuso wa kgatello'?
Botsa batho ba baholo hore o fumane tsebo e tebileng.
5. Taka le ho thala karolo eo o e ratileng ka pale ena.
6. Qapa thotokiso ya ditemana tse tharo ho tlota Brenda.
7. Ke dibini di fe tse ding tsa Afrika tseo o utlwetseng ka tsona?
8. Hhalosa melemo e mehlano ya mmino.



Pale ena e qapuwe le ho ngolwa ka Sepedi, e le karolo ya projeke ya 2021 ya Zenex Ulwazi Lwethu ya dibuka tse balwang.

